

金華寺記
會

風陵文庫

文庫19

F192



金華寺夢遊錄

至正末有成生者名璜字汝元山東遊士也性機通
敏博學多聞氣質迢邁任俠放蕩有志山川朝遊於
泰山之陽暮遊於洞庭之浪四海八荒足跡殆將遍
焉於是北漠之北南越之南盡入於眼底昧谷之東
暘谷之西闊然於胸中矣是故自謂天地間一閑物
也歲在甲戌向金陵入錦山時維九月金風蕭瑟玉
宇崢嶸滿山楓木盡是錦繡之光遍野黍稻皆有黃
雲之色訪水尋山不覺深入已而日墮西嶺月吐東
岳進無所止退不及還矣徘徊於高頂之上彷徨於

深谷之中頃之萬籟俱沉羣動寂然千峯白雲萬壑
煙霧金波動於九霄衆星羅列於三清生駐杖無處
東望西顧莫知所投乃小憇于巖上神清骨冷不能
成寐沉吟良久更前數里則琪花瑤草掩映於前後
翠竹蒼松羅列於左右清溪碧流之上屢屋渠渠樓
臺巍巍仰見大書其榜曰金華寺生大喜瞻仰而入
朱甍彩欄縹緲於雲漢之際繡戶紋窓照曜於斗牛
之間歸然若魯靈光義哉如漢景福真所謂水晶宮
也生飢餒頗甚因臥榻下忽假寐之際有清蹕之聲
自遠而漸近少頃千軍萬騎動地而呼金鼓轟角震

天而鳴旌旗鈞戟羅列于左右牙璋豹轟紛紜于前
後中有四黃金轎次第而來第一轎上隆準龍顏義
鬚髯是漢高帝第二轎上龍鳳之姿天日之表是唐
太宗第三轎上虎儀龍表方面大耳是宋太祖第四
轎上天威嚴肅神彩動人是明太祖也頂通天冠御
絳紗袍金帶玉笏據白玉榻而坐獨有明帝揖讓而
辭曰此榻乃統一天下之主方可以坐矣今寡人則
不然上有滌陽王列國分圖王爭帝者非一非再
而何敢晏然據此榻乎漢帝微哂曰明帝之言差矣
受天明命職厥大凶撥亂反正者非君誰也幸勿謙

字諫之諫字
一本作濼

讓以成千載之佳會明帝不得已就座坐畢文武諸
臣各分東西而坐漢代謀臣則張良蕭何陳平酈食
其陸賈隨何叔孫通武臣則韓信黥布曹參彭越王
陵周勃樊噲灌嬰紀信周介樅公張倉張耳唐家謀
臣則魏徵長孫無忌王珪房玄齡杜如晦裴寂劉文
靜褚遂良虞世南封德彝戴胄武臣則李靖蔚遲敬
德李勣陳叔甫殷開山屈突通薛仁貴宋朝謀臣則
趙普范質杜鎬王祐張濟賢雷德讓李昉陶穀宋琪
武臣則曹彬石守信苗訓李漢超王全斌錢若水明
國謀臣則劉基李善長徐暉祖秦云龍宋謙黃自徵

武臣則徐達常遇春胡大海花雲龍李開忠俞通海
蕩和毛穎韓成正敬青人人勇健箇箇英雄殿上傳
呼張良魏徵趙普劉基曰有旨卽八來四人趨奔鞠
躬侍立於側漢皇曰三代之下王風委地正聲漸茫
五季七雄之時朝闔暮息四海湯沸群雄並起至於
寡人創業之時豈知何日為唐又何日為宋再何日
為明也今日風景正好君臣相會此亦勝事不可虛
度也卽命侍臣設宴於堂上燈燭輝煌威儀嚴格衆
樂迭奏觥籌交錯舞袖飄拂乎香風羨音交徹于青
天酒至數巡漢皇愀然長歎曰寡人尺劍布衣屈起

豐沛無一民寸土幸賴群臣之忠烈終成大業辛苦
經營誰與寡人唐皇一戰定關中宋皇一夜取天下
然明皇之功業猶勝於吾三人矣宋皇問於漢皇曰
帝八閔中秋毫不犯約法三章是何意耶答曰嬴家
呂兒刑罰嚴酷殘害百姓天下思得明君如大旱之
望雲霓如久滂之思天日是故施仁惠布德政拯民
於水火之中以救倒懸之急也唐皇曰豁達大度任
賢使能各盡其心雖有文武何逾漢皇哉是以顛羸
倒項一戎衣定天下不其然乎漢皇曰寡人穢德累
功敢望三代乎創開漢室四百年基業者賴群臣之

力非寡人之能也張良運籌帷幄蕭何固守根本陳
平伏獻計策隨何善知形勢陸賈導其治亂酈食其
論其勝敗張倉定律令叔孫通制禮義開其寡人之
心韓信戰必勝攻必取曹參善征伐灌嬰善用兵黥
布彭越萬夫不當之勇紀信周介千秋不朽之忠樊
噲助其威勢張耳鑄造兵器翼於寡人之威也願聞
諸君之能唐皇曰寡人亦賴群臣之功也長孫無忌
竭忠誠魏徵好直諫杜如晦臨事善斷褚遂良愛民
憂國以補寡人之不逮殷開山薛仁貴臨敵忘死陳
叔寶蔚遲恭驍勇絕倫李靖曉於兵法封德彝務於

國事房玄齡屈突通智足多謀劉文静李勣廣覽深
知以助寡人之威嚴也宋皇曰寡人之臣則趙普智
謀有餘曹彬勇略獲全石守信威風凜凜苗訓英氣
堂堂李昉范質以助文學王全斌李漢超外制奸盜
雖有人才寡人座外尚有軒鼻之睡是何創業也漢
皇曰軒轅之時有蚩尤之亂唐堯之世有四凶之徒
奸臣反賊自古及今無不有也若言此輩譬如鶴鷄
尚存一枝狡兔猶藏三穴何足介意因問明皇之羣
臣明皇曰功業未成才智未試然比於古之人物則
劉基徐達彷彿於張良李靖之智謀花雲龍韓成正

依倚於周介紀信之忠誠李善長常遇春比於曹叅
蔚遲恭之雄猛毛穎胡大海配於樊噲薛仁貴之勇
烈此外文武足比者多矣唐皇曰如此勝宴古今未
有也願請中興之主同樂若何三帝曰帝言甚合予
心也漢皇即命隨何請光武昭烈唐皇命裴寂請甫
宗宋皇亦命李昉請高宗俄已門外有車馬駢闐之
聲闐者奔八告曰四君至矣其一光武左右侍衛之
臣鄧禹吳漢王梁賈復臧宮卓茂馬援寇恂耿弇馮
異馬武王霸邳彤光武鉞期等其二昭烈前後侍衛之臣
諸葛亮關羽張飛趙雲黃忠馬超龐統法正姜維蔣

琬費禕許靜等其三肅宗左右侍衛之臣李泌郭子儀顏真卿雷萬春李光弼南霁雲張巡許遠等其四高宗前後侍衛之臣岳飛張俊趙鼎魏萬翁真德秀韓世忠等人似猛虜馬如毒龍直入法堂叙禮畢去東樓坐定張良出班奏曰羣臣雜錯未有班行願使將相忠智勇略者各分列五行雍容周旋庶有次第之輯穆矣座中皆曰旨哉言乎即命樊噲持五章旗幟樹於南樓上三鼓三呼曰抱相才者皆去紅旗下佩將才者皆去黑旗下懷忠義之士皆趨黃旗下有勇力之士皆詣白旗下蘊智謀之士皆赴青旗下衆

人相顧無語終不出來又鼓又呼曰皇命惶悚何敢遲緩奉旨速行又不出來魏徵趨出奏曰古今將相雖有才能各使自薦者非禮侍臣之道可擇公平正直之士使褒貶優劣可也漢皇曰誰當此任對曰知臣莫如主况盛會乎漢皇顧謂三帝曰此言亦當有理各薦能任之臣如何唐皇曰寡人之意蕭何宜當也宋皇曰寡人之志李靖宜可也明皇微笑曰二帝之言善矣然一智一能之士何代無之必有巢父之隱伊尹之賢伯夷之節龍逢之忠經邦輔國如周公出將八相如太公者方可為之此所任也前聞西蜀

諸葛亮腦藏經天緯地之才腹隱安邦定國之謀儻
非此人不能當此任也座中皆曰帝言善矣忽宋皇
座後趙普趨出奏曰亮雖有才能然未有統一之功
不可委此任也宋皇遽言曰智謀在人興亡在天其
如卿言則子思孟子反不如蘇秦張儀乎亮字孔明
道歸臥龍高臥南陽抱膝長嘯身長少微心如浮雲
苟全姓名不救聞達許由之俦水鏡之友也及出草
廬之時兵不滿千將不過十博望燒屯白河用水使
曹操肝膽幾裂曾無立錐之地而成鼎峙之勢六出
祈山伸達禡魄七擒孟獲南人服心昊天不祐五丈

星殞不可以勝敗論英雄也豈可以遜瑕棄良玉乎
卿烏得多言姑退趙普乃赧然而退卽命孔明其人
出來風度絕倫舉止灑落目下教視古今英雄膏中
暗抱天地造化飄然若神仙也明皇曰未有諸國羣
臣之班列卿褒貶高下分定次第孔明辭謝曰以臣
之庸才何敢當此重大之任乎不敢奉命罪當萬萬
明皇曰卿其勿辭斯速行公孔明累次拜辭明帝終
不允孔明不得已謝恩畢欲定坐次之際閣者忽報
秦始皇晉武帝隋文帝楚霸王之檄書至矣孔明陳
達于座上漢高祖聲威而言曰此非情之類卻之如

何宋皇曰去者莫追來者莫拒不如因善遇之孔明
曰臣有一計使始皇去東樓霸王去西樓則自然從
容矣計則如此如此漢皇曰此計甚合遂召王羲之
大書于旗立於門外其榜曰中興之主去東樓伯業
之君去西樓非創業之主則不可入法堂頃之諸君
皆至始皇乘織離馬服太阿劍建翠鳳旗擊靈鼉鼓
拂令嚴整威風凜凜左李斯茅焦王翦右蒙恬章邯
王賁晉武帝乘黃金轎乘白玉笏飄紅羅傘蓋鳴畫
綵輦鼓衣冠玲瓏光耀粲爛左張華衛瓘山濤王濬
右鄧艾鍾會羊祜杜預等隋文帝乘白玉輦頂黃金

冠旌旗紛紜劍戟森列氣像凜凜風彩彬彬左王道
蘇威高穎右李保韓擒虎賀若弼等始皇直入法堂
孔明拒前諫曰是創業之宴非創業之主不可入法
堂矣始皇大怒曰朕並吞八荒威振四海何不為洪
業之主乎孔明曰傳聞陛下蒙故業引遺策吞二周
滅六國功業雖大以事理論之則真中興非創業也
陛下不歸先王自處創業則臣何敢拒諫乎願陛下
熟察之李斯曰孔明之言是也伏望陛下功歸先王
自處中興始皇聞訖隱忍而去東樓後有項王坐烏
騮馬上手執鐵鞭勇畧掀天壯氣貫日憤然而來左

范增鍾離昧右周蘭桓楚龍且項王問孔明曰主宴者誰也孔明對曰漢高祖與唐宋明三創業之主設太平之宴也不意大王枉臨是所幸也項王仰天嘆曰天地翻覆日月盈虧豈知今日劉季反為主人而項籍空為客子乎直向法堂孔明當前曰大王未有創業之功不得參與此席也項王大怒大叱曰汝何人如此唐突也吾曾觀劉季如嬰兒耳當時豪俊見予威風縮項鼠竄後世英雄聞吾姓名身戰膽寒也到今誰敢拒我孔明顧謂范增曰齊桓公會盟於葵丘一有變色叛者九國屈於一人之下信於萬乘之上

者湯武是也大丈夫處世以血氣之小憤致衆人之是非竊為大王不取也項王默然良久曰古人云寧為鷄口無為牛後吾為西樓主人更設鴻門宴可也言畢去西樓坐定孔明左手秉象笏右手搖羽扇立於庭中曰此中或有悖逆亂國者皆去言未畢王莽董卓等十數人鼠隱而去孔明仰天誓曰亮不識無才敢奉皇命分別英雄優劣或有一分之私意則皇天后土共所明鑑也忽報漢武帝有報讎之功唐憲宗有淮西之功晉元帝有江左之業宋神宗有三代之風願參此宴又有群雄在門外者無數也少頃聞

前宣譁因大呼曰攻城畧地掃今天下者何不預席
乎是陳勝曹操孫策袁紹李密等漢皇曰勝起隴畝
十日之間補王操艾夷大亂分定天下十有其八策
劉據江東虎視四海此三子可謂鐵中錚錚庸中佼佼
然其餘勿論也密高聲大呼曰鬼火伏林陳勝亂
臣賊子曹操單槍匹夫孫策方許英雄吾則累代王
侯一時盟主何不為英雄乎孔明大叱曰袁紹群疑
滿腹衆難塞膏不採忠言不知賢士李密智識淺短
兵敗八閩乃望台司見處可謂金弓玉矢土牛木馬
敢比於彼三人哉密紹兩人皆憤然而去始開門請

八第一漢武帝侍從之臣董仲舒汲黯霍光東方朔
韓安國霍去病衛青李廣等第二唐憲宗侍從之臣
韓愈陸贄裴度等第三晉元帝侍從之臣周凱王導
陶侃劉琨等第四宋神宗侍從之臣明道先生范仲
淹歐陽脩王安石等皆去東樓其次陳王曹公孫討
虜從者文武諸臣郭嘉荀彧張遼許褚周瑜魯肅呂
蒙黃蓋陸遜等皆去西樓孔明乃駭論曰高帝朝張
良淑女之面丈夫之心納履黃石受學圯橋逃身沙
丘西歸炎漢滅秦倒項封萬戶侯為帝者師而終能
僻穀導引從遊赤松子是范蠡之友也太宗朝魏徵

恥君不及堯舜以諫諍為己任是比干之配也宋太祖朝曹彬下江南至城下焚香約誓切勿暴掠一不妄殺凱還之日行李蕭然是呂尚之儔也明太祖朝劉基望金陵之氣知十年之後君鑑百歲之後事是伊尹之侶也始皇朝茅焦見廢太后乾油釜而諫視死如歸是龍逢之侶也武帝朝東方朔讀書三年學得倒海翻江之術吟風弄月之才是一代之賢士也光武朝鄧禹仗策歸漢將兵專征為開國元勳是萬古英俊也昭烈朝龐統百日公事片時而斷三分奇計一言而定是千秋智謀之人也晉武帝朝張華推

枰而定取吳之計終成大業是百代豪傑之士也元帝朝周凱忠義內激大罵王敦而死是萬古慷慨之士也文帝朝王通詣闕獻策十二條見斥還鄉遂教授於河汾之間弟子自遠而至者甚衆朝廷屢徵不起曰弊廬足以庇風雨薄田足以具餐粥讀書論道足以為業長嘯撫琴足以自樂是隱逸之士也肅宗朝李泌自幼英敏著聞當世白衣事君終成中興固辭台職退去潁陽以保姓名是知機之士也憲宗朝韓愈學如河海心似松柏懃懃懇懇於章奏之間是君子之風也神宗朝程子承孔孟之道統是聖賢之

士也班列已畢持紅旗揖蕭何曰取地圖知形勢治
關中國根本廷韓信定四方又揖霍光曰以周公負
成王之圖輔幼主問伊尹廢太甲之事迎宣帝廢昌
邑又揖長孫無忌曰杖三尺劔東闕西突以盡犬馬
之忠終成大業又至房玄齡前曰孜孜奉國知無不
為此四公當為第一又詣曹叅前曰一遵舊制又之
王珪前曰激濁揚清疾惡好善又至蔣琬前曰臨煩
獨閑此三公當為第二又至杜如晦前曰剖決如流
又至戴胄前曰忠清公直每犯顏色執法言如湧泉
又至范增前曰不得其主未展其意圖事揆策則君

不用其謀陳見悃誠則上不然其言譬如鳳凰棲荆
棘龍駒困鹽車此三公當為第三也又持黑旗揖于
韓信曰叛暗投明滅三秦定關中首建大謀削平四
海又揖馬援曰蕩掃邊塵死為累革而歸又至徐達
前曰有孫吳之謀畧賁獲之勇猛此三公當為第一
又至彭越前曰叛楚歸漢立功樹勳位至王侯又詣
馮異前曰殲王莽於漸臺恢復漢祚又至王翦前曰
白首專征老當益壯此三公當為第二又至鄒子儀
前曰才德兼任將相臨危履險東討逆賊克復二京
以迎至尊忠義精誠仰貫白日度量宏偉無所不包

又至毛穎前曰清平雲南又至章邯前曰九戰楚兵
此三公當為第三也又持黃旗揖紀信曰忠心激處
黃屋左纛誑楚忘死又揖張巡曰臨敵應變出奇無
窮神令明賞罰信與士卒同甘苦寒暑至於勢窮城
陷誓為厲鬼殺賊終無異心又揖關公曰文讀春秋
左氏傳武事青龍偃月刀義結皇叔同死生懷君報
國之忠拔山駕海之勇封掛金印威振華夏明燭達
夜獨行千里水滄七軍義釋書檄忠義仰貫白日度
量宏偉天地千秋萬歲名滿不朽人人敬敬此三公
當為第一又至許遠前曰力盡孤城勢如累卵身死

存忠又至岳飛前曰背涅四字志存恢復誓雪國恥
方召堯裂口不顧九族此二公當為第二又至黃自
徵前曰不悛丹心身死報國又至周蘭桓楚等前曰
十面埋伏江東子弟誰敢者不知其數而終無叛心
死於亂中此三公當為第三也持青旗揖陳平曰身
長八尺面如冠玉六出奇計統一天下又揖李靖曰
才兼文武出將入相又揖周瑜曰氣欲吞魏才能伯
吳始雖垂翅終能奮翼烏林破賊赤壁鏖兵功績巍
巍聲名烈烈此三公當為第一又至陸遜前曰用兵
彷彿穰且智謀亞匹孫吳又至郭嘉前曰善於知彼

知己又至鄧艾前曰定西蜀成大功此三公當為第一
二又至杜預前曰平定吳會功蓋山河又至韓世忠
前曰起自卒伍為中興名將位致王侯既釋兵權杜
門謝客有時跨驢攜酒與二三奚童縱遊西湖自以
娛樂又至韓擒虎前曰率兵百萬東接滄海西拒巴
蜀振五岳而帟視走萬里而鷹揚此三公當為第三
也又持白旗揖于趙雲曰護幼主於長坂救黃忠於
漢水絕倫之勇蓋世之功又揖耿弇曰身為大將專
征四方屠城三百畧地數千又揖張飛曰性如烈火
勇若猛虎睥睨天地叱咤宇宙斬將萬軍之中如取

囊中之物又揖蔚遲敬德曰驍勇冠軍百戰成功此
四公當為第一又至樊噲前曰擁盾直入披帷而立
怒髮衝冠目眦盡裂視項羽如兒視士卒如蟻又至
蕩花前曰大畧駕群才驍勇冠三軍又至賈復前曰
顏如夫子勇如快鷲又至胡大海前曰先登米石此
四公當為第二又至黥布前曰勇掀天地功蓋宇宙
又至吳漢前曰驍勇超群大畧冠世又至馬超前曰
步戰六將又至許褚前曰倒拔奔牛稱為帟癡又至
黃忠前曰百發百中此五公當為第三也以下文武
不可勝記傍有一人揮淚大叫曰先生不識弟子耶

孔明評
論將相
之才而
至於姜
伯約不
許忠誠
春秋筆
法堂口
正論至
公無私
之心至
此章而
可知也

吾降鍾會非畏死貪生欲復漢室若不腹痛則西蜀
之地不入司馬之手後主之興不踐許都之塵皇天
不佑死為冤魂今日不許忠誠則何日此心曝白乎
孔明愀然曰噫伯約之事予豈不知汝之忠心也事
終不成垂降名於千秋還不如守節死忠矣姜維太
息而已高下已定座間補讚不已明皇親傾玉壺滿
酌賜之曰卿之大畧諸臣莫及矣卿當何旗預之手
孔明伏奏曰臣之淺短伏奉皇命歷代名臣平生所
懷一說佐宴矣至於小臣何敢預席乎言未畢忽有
一員大將起黃旗下厲聲大呼曰先生之如此謙讓

無他自古賢聖英俊皆未有自薦况到今先生何可
自薦乎吾當一布先生忠功矣座中君臣驚仰視之
其公身長八尺素顏鳳目三角美髯過臍下御金甲
冠鳳胄左手橫青龍偃月刀右手執青紅黑白黃五
色旗威風凜凜英氣堂堂是漢水晶侯關公也公持
五旗高揖于孔明前曰初臥南陽苟全姓名於亂世
不求聞達於諸侯皇叔三顧草廬之中推為盟主事
事善治撫恤百姓譽聲滿天下是百歲之賢相也自
率將卒東拒西伐南討北征六出祈山七縱七擒用
將用兵如仙如鬼是百世之才將也盡力佐皇叔恢

夢遊錄

復漢室夙興夜寐二世中興是千秋忠誠也曾入東
吳與周郎同心合力得矢得風以使周瑜肝膽盡裂
無數竊降是萬歲之勇力也勸皇叔娶吳妹訓子龍
用錦囊使昭烈即回國是萬代之智謀也是外無數
不止一口難說此五條抄襲以表昔年先生之忠義
也言訖孔明欵然而起高揖曰如此古事非亮之功
皆將軍之忠誠今日之譽語迎愧報耳座中諸皇一
見一聽擊膝大讚曰快哉快哉關公壯哉諾哉關公
如此通達英傑未得統一真所謂天數非人力也諸
皇各親滿酌御手賜闕公公俯受連飲昭烈隱隱喜

感也唐皇曰獨樂不如衆樂請東西樓同樂如何三
帝曰此言善矣即遣使請東西樓諸王皆赴宴會小
頃皆至分東西坐定近臣一人各侍立於側陳勝曹
操孫策等坐於末席依稀龍盤雲海彷彿虎踞深山
威儀嚴嚴劍珮珊珊五劍舞於庭前七絃奏於堂上
酒至半酣漢皇慨然長歎曰天地無窮人生有限興
亡成敗輪回如日月之西傾若江河之東流豈能長
享富貴之樂乎賢者長守基業則三代豈承唐虞之
後勇者久持形勢則蚩尤豈被涿鹿之擒乎國之長
短人之壽夭皆是天也翻覆世上流水光陰千古興

亡一杯荒土滿座皆悽然獨西邊一王圓睜重瞳倒
豎帟鬚高聲大叫曰鴻門不用舉決之謀垓下還遺
養虎之患雖在九泉之魂難忘烏江之恨也言未畢
東邊一王厲聲曰我有一言諸王側聽焉寡人午夢
青衣童子紅衣童子爭日開闕俄已青衣童子僵仆
於地紅衣童子捧日而去今見紅衣彷彿高祖青衣
依稀霸王又有當時童謠曰人將未勝天也皆緣天
數案非人力玉玦虛勞於謀臣之手寶劍空費於壯
士之力也漢皇曰興亡勝敗姑舍勿論說快事確治
道如何三皇曰甚合吾意始皇曰秦有三快矣遺王

翦等擒六國諸君跪於阿房階下收天下兵鑄金人
立于閭闔門外此一快也遺徐市等與童男童女五
百人八海朶三神山不死藥與安期生同遊胸界中
銘功會稽嶺騁望瑯琊臺此二快也遺蒙恬等率兵
三十萬人築長城而守藩籬胡人不敢南下而牧馬
將士不敢彎弓而報怨此三快也漢皇應叙曰十生
九死百戰百敗垓下一戰堇得天下豈有快哉但破
黥布後歸故鄉會父老同遊之時大風揚雲正如吾
氣儼起舞作歌此一快也洛陽南宮獻壽太公上皇
曰昔年季耕田之時豈知今日之如此乎何無人子

之樂哉此二快也明皇忽有含淚悲懷之色漢皇曰
大丈夫何為兒女子之態乎明皇曰寡人孤哀人生
幸有始皇之快何處烏得獻壽之樂人非木石何不
悽然哉漢皇曰此乃孝誠之至也仍問唐宋皇曰各
陳快事唐皇曰萬國會同之時四方皆來突厥起舞
吐蕃作歌越裳交趾獻鸚鵡大宛西域貢駿馬此一
快也與魏徵論仁政使李靖作長城年豐民和三郵
晏然此二快也與群臣諸親置酒凌烟閣上皇彈琵琶
寡人起舞公卿獻壽此三快也宋皇曰寡人未統
天下豈有快乎營建新室墻垣瀟灑九門開而四通

八戶啓而五達眼底無碍心事豁然此極快也曹操
大笑曰臣有一快冒瀆敢論破黃巾擒呂布服張魯
張繡滅袁紹袁述降劉琮南至長江舸艦千里旌旗
蔽空二喬入睥睨吳越在掌上東望夏口西望武昌
浩波如練明月如鏡烏鵲南飛之時橫槊賦詩此小
臣之快也漢皇曰姑捨是聞來不勝悲感願謂明皇
曰國非唐虞人非堯舜豈能盡善盡美乎座中諸王
幾人得失幾許當時諫臣難補君王之不逮後世史
官難記百代之是非唐宋及漢皆在於史筆之中矣
聞之何益帝之享國心是長久也好善懲惡使其是

非炳然可知為法於後世亦何如哉明皇推辭曰先
儒有言吾之於人誰毀誰譽以聖人之德猶尚如此
况庸殘之才輕毀譽哉漢皇曰幸勿堅執固辭以助
一笑座中所願也明皇不得已先察氣像後論是非
周覽既畢乃言曰北風浙瀝波濤涵湧始皇之氣像
夏日照耀霹靂震動光武之氣像玉宇寥廓秋霜凜
然武帝之氣像浩浩長江或波或濤昭烈之氣像清
風蕭蕭明月高高太宗之氣像曉色蒼蒼晨星耿耿
憲宗之氣像東邊日出西邊雨霖文帝之氣像崑山
白玉麗水黃金太祖之氣像渥洼駿馬丹丘彩鳳神

宗之氣像疾風暴雨天地震動伯王之氣像雄竄荆
榛羊隱烟霧魏公之氣像也漢皇大笑曰真所謂明
心寶鑑也然而獨不言寡人之氣像何也明皇亦笑
曰龍得雲雨變化無窮帝之度量何可與之比耶若
論是非則始皇以雄才大畧奮六世之餘烈振長策
而馭宇內六合為家峭函為宮自以為關中之固金
城千里子孫帝王萬世之業也未及二世而亡何哉
侈宮室殫民財虛築長城傷人力之崇也寡人以為
不然也詩書著聖賢之行跡雜燒之儒生誦孔孟之
道德盡坑之太子國之本也而放逐扶籬詐立胡亥

此乃速滅之機也始皇歎曰明言寡人之罪惡固所甘心然寡人若在宮中趙高何敢謀逆帳下章邯豈能降楚乎噬臍莫及歎之何益明皇又言曰高皇開寬洪之路以迎天下之英雄從諫如流縞素三軍除秦苛法約法三章畧如湯武同然有所欠者輕士謾罵是故古禮不復古樂不作從茲始矣武帝則窮兵黷武虐民事神海內虛耗若非秋風之悔有輪臺之詔則續亡秦之轍矣光武則念國家之將亂憐宗社之傾危延攬英雄撫悅民心掃除莽賊興復漢室有志於治而輔相亦非其人可勝惜哉昭烈則結義桃

源屈駕草廬君臣相得翼乎如鴻毛遇順風沛乎若巨魚縱大壑惜哉創業未半中途而逝豈非天耶太宗化家為國偃武修文勵精求治身致太平掃為英主然以君德論之則用宮人私侍以人倫論之則納棠刺王妃其謬已甚貽四海之羞為百世之唾也太祖未嘗為學晚好讀書鞭扑不行於殿陛罵辱不及於公卿故臣下得以有為而忠君愛國之心油然而興矣使舉德行孝悌之士以隆禮義廣恥之風洞開重門少有邪曲人皆見之所謂蕩蕩平平之道矣晉武帝承父兄之業混一華夏侈心將萌沉於遊宴衰

於政事常乘羊車恣其所之淫樂無道莫甚於此也
元帝承喪亂之餘內無計策之棟樑外無匡扶之柱
石然明敏有機斷故能以弱制強誅剪謀逆克復大
業也文帝天性嚴重令行禁止勤政事務為素然猜
忌偏察信愛謔言損害忠良乃至子弟皆為仇敵此
其所短也宣宗偷一時之安不思永久之圖殫耳目
越巴蜀生民塗炭未有甚於一時者也神宗刻意圖
治上慕唐虞與程子稽古正學與惠卿創置新法用
捨之間安危所係踈待賢士傾心姦臣以安援危反

治為亂使天下之人囂然喪其樂生之心敢望堯舜
之治末由以也高宗信任姦慝屏逐賢忠秦檜矯殺
岳飛而若不聞賈似道卒誤邦國而以為忠豈復望
三代之治乎憲宗以群臣之功削平藩籬終繡大亂
陳王繩樞之子此隸之人躡足行伍之間倪起阡陌
之中車疲散之卒將數百之衆折木為兵揭竿為旗
天下雲會而響應羸糧而影從若聽立六國之後未
知鹿在誰手也魏公治世之能臣亂世之奸雄專權
擅命號令天下四方威服非其本心內倚諸親滿朝
之權外迎群雄乘風之勢濫叨寵榮恣生強逆脅制

天子滅殺國母罄南山之竹書罪無窮決東海之水
洗惡難盡也孫討虜年二十勇冠三軍虎據江東掃
為小霸王然殞身於匹夫之手可惜哉至於五季患
亂相尋戰爭不息名雖君臣實為仇敵世降至此壞
亂極矣何足勝言哉言訖項王高聲大呼曰論古今
帝王是非之中吾豈獨不預乎明皇遽言曰若欲強
聞何難之有古人云得人者興失人者亡也大王則
不然負十罪聞之有愧言之無益也項王曰請聞其
說明皇乃言曰背關中之約其一也矯殺卿子冠軍
其二也救趙不報而擅劫諸侯入關其三也燒咸陽

宮室掘驪山塚其四也殺秦降王子嬰其五也坑秦
降子弟二十萬其六也王諸將於善地徙逐故主其
七也自都彭城奪韓梁之地其八也陰殺義帝於江
南其九也為政不平主約不信天下所不容大逆無
道其十也漢書云忠言逆耳利於行毒藥苦口利於
病願大王幸勿口直為性項王聽畢默然但有滿面
羞慙矣明皇避席而言曰以寡人之庸才愚說妄論
帝王是非於心未安也滿座稱讚不已曰孔明之定
群臣明皇之論帝王雖有權度輕重長短猶不足踰
此也明皇因問漢皇曰寡人欲定都邑未知何處可

乎漢皇曰山自崑崙水自黃河四海之內堯舜禹湯
文武秦漢之都四海之外南蠻北狄東夷西戎之國
雍豫徐襄四州為長安荆益青揚四州為金陵龍盤
虎踞天府之土真所謂帝王之州也大槩三代以前
帝王多出於河北三代以後帝王多居於河南今獨
有江南空虛也帝意在金陵否明皇起謝曰願受教
矣漢皇命將相忠智節義五行之人各作三隊起舞
咏歌第一隊張良蕭何韓信陳平紀信第二隊馬援
賈復諸葛亮關公趙雲第三隊長孫無忌李靖張巡
許遠徐達等風骨卓犖氣宇磊落第一隊張良琅琅

而吟其歌曰

受學黃石來攀赤帝滅嬴倒項五世之讎報矣身
為帝師人臣之位極矣功成身退辭榮避位團團
之月昂昂之鶴從遊赤松子萬古之雲山

蕭何欣然而吟其歌曰

生當亂世兮還歸明君剖符封功兮身居第一千
秋泉臺兮萬事春夢更侍宴席兮只此歡樂

韓信愕然而吟其歌曰

思歸漢於鴻門佩金印於將壇定關中破三秦燕
趙望風群雄縮領斬章邯於一旗滅項王於垓下

高鳥盡兮良弓藏
狡兔死兮獵狗烹
殞身兒女之手
千秋難忘之恨

陳平欣然而吟其歌曰

良禽相木而棲
賢臣擇主而佐
棄暗投明兮立功
成名閉范增於沐猴
救聖主於白登
今夕何夕君臣同樂

紀信愀然而吟其歌曰

荊陽圍急兮軍伍蒼黃
謀臣口緘兮勇士拋戈
救君於濱死之際
誑楚於報國之忠
從龍逢而同遊
垂竹帛而映輝

第二隊馬援憤然而吟其歌曰

白首邊庭蕩掃妖塵
馬革裹屍而歸
平生所願
意茲累身之恨
千載難忘

賈復厲聲而吟其歌曰

男兒處世兮許身報國
圖畫丹青兮書名金石
日既吉而良辰兮侍舊主
而宴會
難再期而續遊兮
共歌舞而極樂

諸葛公慷慨而吟其歌曰

感屈駕而三顧兮許驅馳於風塵
奉命於危亂之間
受任於顛沛之際
兩章哀表歷歷忠言
六出祈

山孜孜報君庶竭駑鈍攘除奸亮鞠躬盡悴興復
漢室天意不吊兇徒未掃秋風五丈原千載恨悠悠
關公愴然而吟其歌曰

桃源結義劉皇叔鄴下宣毅曹阿瞞身騎赤兔手
在青龍舉目山河睥睨天地心吞吳魏志復炎祚
旻天不佑謬陷姦謀九原千秋此恨綿綿

趙雲悵恨而吟其歌曰

漢室將亂群雄蜂起身為先鋒之職志切報國之
誠孫權強盛曹操橫行兩賊未滅千古遺恨撫長
劍而作歌兮吐平生之忠憤

第三隊長孫無忌浩然而吟其歌曰

攀龍鱗附鳳翼聲振當時名垂後世

李靖快然而吟其歌曰

一劍定風塵高名垂千秋今日華筵更侍聖主

張巡揮淚而吟其歌曰

一髮孤城重圍月暈內無糧草外無援兵籠中之
鳥網裡之魚未報國恩空死節義

許遠含悲而吟其歌曰

賊兵逼城危如累卵卽墨未下龍蛟牛晉陽猶沉
三板水身死守節忠貫白日

徐達高聲而吟其歌曰

大丈夫處世兮立功名
立功名兮四海清
四海清兮天下太平
天下太平兮吾將就閑
吾將就閑兮以終平生

衆歌既畢漢皇卽命賜酒曰在外群臣幾何斗危酒
及一羸肩為別賜送後武帝曰寡人之臣東方朔誤
讀黃庭經罪謫下人間故有仙風道骨矣前日對寡
人論古今聖賢常當職今使付職群臣何如漢皇卽
命八來其人眉攢江山之秀膏藏不世之才飄飄如
人中仙趨謁於榻前漢皇曰聞道卿善附職是耶東

方朔踟躕退遜曰秉筆中書者蕭曹兩魏之徒提兵
闡外者韓彭衛霍之類布列矣豈可捨美玉而取頑
石也然使臣附職譬如蚊蚋負山塘螂拒轍也武帝
曰何為過辭乎朔對曰實為本心何敢辭乎如是者
凡數度帝不允朔不得已乃俱曰小臣之愚孔明為
左丞相蕭何為右丞相范仲淹為左僕射歐陽脩為
右僕射張良為太傅霍光為太尉徐達為大司馬曹
彬為大將軍韓信為都元帥李靖為副元帥關公為
執金吾范增為京兆尹龐統為觀察使彭越為節度
使董仲舒為御史大夫魏徵為諫議大夫陳平為尚

書令鄧禹為中書令褚遂良為廷尉李善長為都尉
法正為司徒韓愈為司空趙普為大司農山濤為大
鴻臚張濟賢為工部侍郎房玄齡為吏部侍郎張飛
為左先鋒趙雲為右先鋒劉基為太史蔣琬為長史
程子為太學士陸賈為翰林汲黯為博士范質為舍
人茅焦為注書李斯為司隸馮異為主簿張倉為侍
中臧宮為校尉苗訓為常侍郭嘉為監軍荀彧為叅
軍卓茂為祭酒李昉為從事費禕為內史郭子儀為
兗州刺史胡大海為雍州刺史張孫無忌為荊州刺
史常遇春為揚州刺史蔡叔甫為杭州刺史李勣為

青州刺史馬援為襄州刺史寇恂為徐州刺史石守
信為益州刺史馬超為白帛將軍薛仁貴為青龍將
軍耿弇為武衛將軍蔚遲恭為忠烈將軍樊噲為龍
驤將軍岳飛為帟衛將軍章邯為征西將軍賈復為
鎮北將軍衛青為破虜將軍霍去病為討虜將軍李
漢超為驃騎將軍龍且為上護軍張遼為大護軍王
梁為副護軍花云龍為護軍顏真卿為揚武將軍黥
布為振威將軍韓世忠為平南將軍蒙恬為鎮西將
軍王翦為定東將軍許褚為折衝將軍周勃為絳侯
紀信為忠侯酈食其為安平侯許遠為貞順侯魯肅

為文信侯陸遜為建成侯班職已畢滿座大笑曰可
合其職也漢皇顧謂三帝曰願為一詩以記之使流
傳於後世抑亦一勝事也然但恨無人製作宋皇曰
帝言善矣然韓愈在此何無製作之人乎漢皇曰寡
人思之不逮即命近侍取會稽雲絲青松烟子清溪
處士中山毛君置之于退之前退之不敢辭俯首聽
命一揮而就文不加點其詩曰

聖功過五帝道德兼三皇威令振四海教化遍萬
方龍興致祥雲帝嘯起烈風明明龍榻上穆穆鸞
班中鬱鬱金華寺濟濟英俊徒金樽千日酒玉盤

萬年桃登堂朝玉帛設宴會衣冠彩雲凝珠箔祥
燧繞畫欄旌旗蔽紫微劔戟耀白日金風吹赤葉
玉露滴皓月子晉吹玉簫湘靈彈琴瑟香風引舞
袖清歌隨妙曲佳節屬九秋良夜月三更今日四
美具此筵二難并物色尚依舊世事今已非忽然
記當時興盡還生悲故國誰氏家大明揚光輝人
情多翻覆興亡若波瀾美酒宜酩酊樂事稱盤桓
微臣敢獻壽聖主永得歡披腹呈琅玕千載傳世

間

詩成進達座間大讚不已忽有一使持戟書而到其

文大槩曰多有鴻業之功不請勝宴之席吾率諸虜
夷問罪於錦山也言甚悖慢宋皇戰慄曰好事多魔
佳期易阻正謂此也與彼相戰不如和親始皇憤然
曰蟻聚之衆烏合之卒何足懼哉俄已山外飛塵蔽
天鳴鼓動地鐵騎數萬滿山遍野而來當先一人乘
青驄馬橫龍泉劍威風凜凜掃令嚴肅是大元帥元
太祖也左先鋒左賢王右先鋒右賢王中軍呼韓邪
單于其餘諸將突厥契丹冒頓頡利可汗韃靼吐蕃
等共衆不可勝數漢皇曰誰可拒敵始皇大怒與武
帝發兵百萬名將千員憤然而出左始皇右武帝翼

而擊之匈奴大敗而走兵無血刃而勝凱歌而還滿
座大悅已而月隱西垣河傾東嶺諸皇群侯大醉傾
扶而歸漢皇太宗太祖謂明皇曰帝混一四海未久
矣天下太平之後思今日續舊遊以慰九泉之魂可
結辭奇也四皇帝各各拜別而去車馬駢闐之聲猶逾時不
絕而已山寺鐘鳴水村鷄唱秋風落葉之聲忽然而
絕絕文章
度量於是著矣覺乃金華寺中一張秋夢也夢中之事歷歷可知矣
即記傳於後世焉

金華寺夢遊錄終

夢遊錄

Vertical columns of faint, illegible text on the right page, possibly bleed-through from the reverse side. The characters are too faded to be accurately transcribed.

